

և առ Չափուչ Պաշին, և իջեալ անտի 'ի դաւիթն տեսին պատրաստեալ նծոյդս ոսկիսանձս և զարդարեալ ծանրագին ոսկեթեւ ծածկութիւ, յորս աշտանակեցին Պատրիարքն, և այնքիկ որք ունէին զվերարկու պատուոյ, և ոմանք յերեւելի վարդապետաց և յաշխարհականաց, եւ գնացին շքեղ փառօք 'ի Պատրիարքարան, ուր ընկալան զնոսա դասք Եկեղեցականաց մեծաւ հանդիսիւ զարդարեալ զգեստուք ըստ իւրաքանչիւր աստիճանի, ուր խըռնեալ էին անթիւ բազմութիւն արանց և կանանց, եւ Պատրիարքն մտեալ յեկեղեցին Օրհնեաց զժողովուրդն և արձակեաց: Եւ 'ի վաղիւն որ էր շաբաթ, բերեալ հանդիսիւ նստուցին զնա յԱթոռ Պատրիարքութեան, և նախորդն չոքաւ 'ի վանքն Իւսկիւտարու իւրովքն հանդերձ, և Ամիրայք պատուէր ետուն Փոխանորդին Երուսաղէմի շինայեւ ինչ 'ի նմանէ, և ամենեքեան գոհացեալ փառս ետուն Աստուծոյ զի առանց խռովութեան կատարեցաւ այս փոխխուժիւն Պատրիարքի:

Իսկ Դատաւորն Երուսաղէմի տակաւին կացեալ 'ի յամառութեան իւրում ստիպէր զՀայս առնուլ Իլամ վան Մննդեան և Աստուածածնի, և առաքել առ Տէրութիւնն. այլ Հայք ոչ աւին յանձն խորհրդով Նուրեայ, եւ սպասէին առնուլ զպատասխանիս գրեանց: Հասին 'ի կոստանդինուպոլիս գրեանք Թէոդորոս Պատրիարքի, Նուրի Էֆէնտեայ, Դիոնէսիոս և Սարգիս վարդապետաց, զորս գրեցին 'ի Դամասկոսէ: Դուռն բարեոք ծանեաւ զանցս Երուսաղէմի և Դամասկոսի 'ի գրոց Նուրեայ, և խնդրեցին ըզգրեանս Հայոց, եւ Պօղոս վարդապետ մատոյց զնոսա 'ի նոցանէ եւս առաւել պարզ և բացայայտ երեւեցաւ խընդիրն, և եհաս մինչեւ յունկն Արքայի եւ մերկապարանոց յայտնեցաւ դաւաճանութիւն Սոճաքեանին, եւ բարկացեալ Արքայի հրամայեաց գլխատել զնա, այլ հազիւ զերծաւ նա 'ի միջնորդելոյ ուրումն, եւ դատապարտեցաւ յաքսոր յԱնարայ: Գրեցաւ հրովարտակ եւ այլ կարեւոր գրեանք 'ի Դրանէ, եւ առաքեցաւ յատուկ սուրհանդակաւ (յ30 Սեպտեմբերի) աքսորել զԴատաւորն Երուսաղէմի գրեցաւ նաեւ առ կուսակալն Դամասկոսի և առաքեցաւ այլ սուրհանդակաւ գործադրել զհրովարտակն